

Hylli i Dritës

Ubi Spiritus Domini, ibi libertas.

(II. ad Cor. III. 17).

| | |
|--|---------|
| 1. Peripetif e indipendencës shqyptare | Fq. 261 |
| 2. Ekonomi politike dhe politikë ekonomike | „ 273 |
| 3. Turgut Pasha hîn në Shkodër | „ 278 |
| 4. Muji e Jevrenija (<i>Rapsodi</i>) | „ 284 |
| 5. Maja e Hekurave | „ 289 |
| 6. Lojë të komtare | „ 294 |
| 7. Krue! Deçiq! Vlonë! | „ 297 |
| 8. Nje veshtrim mbi poezinë | „ 299 |
| 9. Fjalë-ari | „ 306 |
| 10. Gjurmime... | „ 310 |
| 11. Lajme rrokull Shqypnis | „ 314 |
| 12. Rreth botës | „ 315 |
| 13. Bibliografi | „ 316 |



*Drejtimi man tagrin m' çdo artikull, q' botohet në ket të
Perkohshme, tue ndalue njëherit edhe çdo rishtypje a perkthim.*

Peripetít e indipendencës shqyptare.

Ka dalë modë nder né me pré drût shkurt. Po deshti kush me i thirrë sendet me êmen qi kanë, rrezikohet me fitue nji êmen të pabukur: «*pesimist*» — «*fanatik*» — «*anti-atdhetár*» etj.

Me nji titull të tillë, të dhanun gratis, e me disa folje, koder mbas bregut, disa shkrimtarë të rí, kujtojn se i vënë kapak çashtjeve, se shtíjn shtatë pash nen dhé shkrimtarin qi sulmojn me gjith idén e tij.

Mirë po kundruell këtyne shkrimtarve, qi per fat a per rrezik po dalin si kpurdhat mbas shiut, nuk din ka me i a mbajt aj qi mendon me krye të vet, qi don me kënë sado pak indipendent e i pa-anëshem. Po kje se nuk shkrou shka i shkon per shtat shumicës, po nuk i dha gjithshkahit nji dukë të kandëshme e të pelqyeshme, po s' perligji a nuk shduki të gjitha të metat, posë të pakicave, qi rrokull shekujve ka muejt me pasë, si çdo popull, edhe populli i ynë, atëherë disa atdhetarë të flakët, atdhetarë të mbasi Shqypnija preu paren frank ari, kanë me të gjuejt peshë, kanë me të quejt anti-kombëtár të rrezikshem, qi don me ngjallë dasí, ngatrrësë, pa-besim etj.

Vall ku do të mbríjm me këta nierz qi mendojn me krye të tjeterkuj! A thue kanë me i ndrrue fëtyrë historís? A ásht e mundun se kanë me zhdukë faqe toket të gjitha veprat qi u shkruen mbi vendin t' onë, e të gjitha aktet qi ruhen nder arkiva të popujve të gjytetnuem?

Por po e xamë se nuk u gjindka kurrgjâ e shkrueme mbi ngjarjet e rrethanat e historís s' onë kombëtare, si mund të pajtohet se nji popull luftár e krenár per fisin e traditat e veta të mbetëte rob i Turkut edhe gadi nji shekull mbasi popujt tjerë të Ballkanit fitojshin të bardhen lirí, tuj kënë e

